

mundi qui fuit Magister Ord. fratrum pred. et penitentiarius domini pape; additur altera: *Explicit etiam apparatus super Summam predictam fratris Guilielmi Rbedonensis quondam lectoris fratrum ord. pred. aurelianensium. Qui fuit Magister in decretis et peritus in legibus. Atque ex hac Clausula etiam adparet, non errasse absolute Laur. Pignonium, ut putavit Quetifus, Guilelmum adpellando Aurelianensem. Interim tamen mirari subit, Quetifum et Echardum plus vidisse, quam totum Praedicatorum Ordinem, qui editionem supracit. Clementi VIII. Pont. M. inscripsit Johannis de Friburgo nomine in fronte expresso. Codici nostro demum adscripta sunt Carmina memorialia Casus in Raymundina expositos complexa.*

DCCXLIX.

R. 2278 Codex membraneus lat. Sec. XIV. Folior. 479. f. maj. per duas columnas bene scriptas, coloribus illustratus, haec in anteriore Theca praefert: *Istam Summam Confessorum Testatus est Monasterio sancte Dorothee uirginis vienne Honorabilis presbiter Dominus Erhardus grutsch De Marbegka (oppido infer. Austr.) Confessor ad sanctum Jacobum (Collegium tum Virginum O. S. Aug.) Obijt autem Sexto idus Augusti. Anno domini M^o CCCC^o XXXVI^o. Ego qui hoc scripsi vellem, quod omnes homines scirent quam laudabiliter et feliciter iste Sacerdos clausit diem vite sue extremum. Nam*

*quinta hora post acceptam absolutionem a pena et a culpa auctoritate sacrosancte Synodi Basiliensis cum bona ratione orando quieuit in pace. Sit nomen domini Benedictum, qui dedit nobis hunc librum, quoniam ab ipso procedit omne bonum. Sciendum quod supradictus Dominus Erhardus grutsch testatus est Monasterio sancte Dorothee vienne Triginta septem Volumina magna et parua, sicut continentur in libraria. Dilecti fratres sitis memores istius sacerdotis in orationibus vestris, quia magnam confidentiam gessit de nobis sperans se iuari orationibus nostris. Lubens haec transcribo; priscum enim candorem, caritatem, gratum animum et φιλοφιλίαν spirant. Habemus hic igitur Summam Confessorum, sive Opus Canonico - Morale de Casibus Conscientiae saepius typis vulgatum Johannis ex Ord. Praed. dicti Lectoris Friburgensis in Brisgoja a. 1314. fato functi, de quo Bibliothecarii Ord. egere T. I. p. 523. Incipit nobis a Monito: *Nota, quod lector iste Johannes ante compilationem huius summe confessorum fecerat tabulam super summam Raymundi (de Pennafort) et apparatus eius. Verificationem quoque seu declarationem plurium que in ipsa summa et Glosa ipsius habentur. Nec non et quendam libellum specialem de questionibus casualibus, cui libello hunc prologum preposuit. Et quia de prioribus hijs opusculis mentio fit in sequenti Prologo. Ideo ad intellectum illius prologi hunc illi iudicauit proponen-**

1801

C A S U I S T I C I.

1802

nendum. Igitur sequitur Prologus *Quaestionum Casualium*, quae prelo nunquam subjectae fuisse videntur, in *M/s.* tamen extant. Dein Prologus ipsius *Summae* cum Elencho Titulorum omnium IV. eius Librorum, tandem *Summa* hoc initio: *Quoniam inter ecclesiastica crimina symoniaca heresis &c. Fol. 398.* Rubrica: *Isti sunt paragrafi Summe fratris Raymundi per Numerum, secundum quem ut plurimum in hac summa confessorum eorundem fit assignacio. Fol. 402.* Incipiunt statuta summe confessorum ex sexto decretalium addita &c. Monitum praevium ita init: *Ne libri qui de summa confessorum iam scripti erant appositione statutorum a domino Bonifacio summo pontifice nuper (id est 1298.) in suo sexto libro decretalium collectorum et de nouo editorum destruerentur, aut fructus ex eorum noticia animabus proueniens negligeretur — utile iudicavi in fine ipsius summe sub titulis eiusdem summe et eodem ut plurimum quaestionum numero, in quibus incidunt, de ipsis statutis tantum apponere, quantum sufficere uidebitur ad noticiam confessorum. &c.* Tacent de hac Adpendice Bibliothecarii Ord. Praed. quibus tam uber *Johannis* nostri Exemplar nusquam oblatum fuisse videtur. Ad hanc porro ubertatem facit etiam completissima *Tabula* alphabetica, quae a fol. 418. ad usque Codicis finem pertinet.

DCCL.

Codex partim membranaceus, R. 3033 partim chartaceus lat. Sec. XV. Folior. 319. f. per duas columnas bene scriptus et coloribus illustratus hanc Rubricam praefert: *Incipit summa de casibus compilata per fratrem Astexanum de ordine fratrum minorum ubi premititur copia litere eiusdem fratris ad dominum Johannem Gaytanum sancti Theodori dyaconem Cardinalem et postea subiungitur copia litere eiusdem domini quam misit ad supra dictum fratrem quando summam recepit.* Rite omnia, prout in vetustissimis tribus hujus Summae Impressionibus, quarum differentias descriptas dedi in *Supplem. Annual. Typogr. Maittair.* P. II. p. 496. 4. In praesenti porro Codice e *Libris VIII.* non nisi III. primi insunt. Autoris Epistola data est *Januae Anno domini M. CCC. XVII. E* Praefatione, quae incipit: *Bonorum laborum gloriosus est fructus. Sap. III.°* iuverit observare, quos fontes Doctor noster in Opus suum derivavit: *De ordine meo fuerunt multi, precipue isti scilicet Frater Alexander (Alensis) de Anglia, qui, quando fuit ordinem ingressus, erat magister legens actu sacram scripturam Parisius super omnes temporis sui famosus; Frater Bonaventura etiam famosissimus tempore suo, qui fuit multo tempore Minister generalis et postea Cardinalis; Frater Guillelmus Anglicus de Mara (Lamarenfis); Frater Galtberus (Gualter. de Brugis)*

B 2

qui